



Postavkom inspirirajućeg naziva "Korakom španske salse" Bela Vida galerija će 16. februara otvoriti vrata posjetiocima. Smještena na prizemnom nivou Importanne Centra u Sarajevu, Galerija će svakog mjeseca javnosti prikazati jedinstvene enterijere inspirisane različitim podnebljima, kulturama, idejama i trendovima.

.....

Ideja svake galerijske postavke je dom iz snova i njegova prilagodljivost prostoru, a eksponati namještaja, detalja za uređenje i ostalih pratećih sadržaja bit će maštovito uklopljeni u jedan cjelovit ambijent. Posjetioци Galerije bit će u prilici pogledati, osjetiti i doživjeti sve detalje predstavljenih stilova i tema, ali i dobiti konkretne informacije o svakom ponuđenom proizvodu, uz asistiranje osoblja Galerije pri nabavci istih.

Enterijer "Korakom španske salse" ispunjen je najkvalitetnijim namještajem i pratećim detaljima koji mediteranski stil približavaju svakom posjetiocu na drugačiji način. Dom koji je dekorisan bijelim zidovima, šarmom drvenih greda, detaljima od keramike i terakote, te mirisom i bojom sangrije, bit će unesen u postavku na jedinstven način i scenografski prilagođen izložbenom prostoru.

Enterijer ispunjen strašću i energijom, te bojama koje osciliraju između bijele, preko žute, crvene i modro zelene učinit će da se ovaj moderan prostor vidi, osjeti i doživi. Pikantne arome, vizuelni i zvučni efekti približit će posjetiocima duh Španije brzinom koraka salse.

Integrišući elemente strastvenog španskog enterijera u naš prostor stvara se unikatna forma koja je prilagodljiva i poslovnom ambijentu i privatnom segmentu stanovanja. Stručni pristup pri realizaciji komunikacije između virtuelnog i fizičkog prostora galerije odlična je osnova za predivan ambijent okupan skladnom i prepoznatljivom španskom toplotom i romantikom.